

國方志叢書·華中地方·第八八八號

據

清·王肇賜等修，陳錫麟等纂
清同治十二年刊本

影印

江 西 省

新淦縣志

（印）

成文出版社有限公司印行

新淦縣志卷之四

學校志

學宮

學宮之設崇聖教也上溯有漢下迄元明或專祠或加封史不絕書至我

朝而祭制大備鉅典煌煌俎豆莘莘望宮牆而莫及瞻
美富而難窺每屆春秋仲月上丁爲釋奠之地凡先
賢暨歷代理學俱從祀焉因編學宮

議

高帝十二年帝過魯以大牢祀孔子

明帝十五年至魯詣孔子宅

章帝元和二年至魯祀孔子

晉

孝武帝大元十七年李遼表請修孔子廟不報

書孔子廟始此

宋

文帝元嘉十九年宋修孔子廟

自晉書李遼表請修孔子廟不報至是又五十年矣始

書嘉之也亦傳之也

南北朝

齊魏乙亥年魏王如魯城祠孔子封其後爲崇聖侯

梁

武帝天監十四年梁初立孔子廟

以上俱通鑑綱目

唐

武德二年始詔國子立周公孔子廟七年以周公爲先
聖孔子配貞觀二年左僕射房元齡博士朱子真建言
周公尼父俱聖人然釋奠於學以夫子也大業以前皆

以孔子先聖爲顏子爲先師乃罷周公升孔子爲先聖
顏回配四年詔州縣學皆作孔子廟十一年詔尊孔子
爲宣父作聖廟於兗州給戶二十戶奉之咸亨二年詔
州縣皆營孔子廟開元二十七年詔夫子旣稱先聖可
謚曰文宣王遣三公持節冊命以其嗣爲文宣公任州
長史代代不絕先時孔廟以周公南面而夫子坐西牖
下貞觀中廢周公祭而夫子位未改至是二京國子監
天下州縣夫子始皆南面向以顏淵配贈諸弟子爵公

侯

唐書禮樂志第五

宋

至聖文宣王唐開元末升爲中祠設從祀禮今攝三公行事
朱梁喪亂從祀遂廢唐長興三年仍復從祀周顯德二
年別營國子監學舍宋因增修之塑先聖亞聖十哲像
畫七十二賢及先儒二十一人像於東西廡之木壁視
撰先聖亞聖贊十哲以下命文臣分贊之真宗大中祥
符元年詔以十一月一日幸曲阜謁文宣王廟親製贊
刻石廟中追謚元聖文宣王旋以國諱改謚至聖文宣
王詔大常禮院定州縣釋奠器數大觀三年禮部大常

卷四 禮志

寺請以文宣王爲先師兗鄒荆三國公配享十哲從祀

宋史禮志

元

宣聖廟太祖始置於燕京成祖始命建宣聖廟於京師大德
十年秋廟成至大元年秋七月詔加號曰大成至聖文

宣王

制曰先孔子而聖者非孔子無以明後孔子而聖者非
孔子無以法所謂祖述堯舜憲章文武儀範百王師表
萬世者也可加大成至聖文宣王遣使闕里祀以大牢

元史祭祀志

明

至聖先師孔子廟漢晉及隋或稱先師或稱先聖宣尼宣父
唐諡文宣王宋加至聖號元復加號大成明太祖入江
淮府首謁孔子廟洪武元年二月詔以大牢祀孔子於
國學三年詔革諸神封號惟孔子封爵仍舊四年禮部
奏定儀物五年詔天下通祀孔子并頒釋奠儀注十七
年敕每月朔望祭酒以下行釋菜禮郡縣以下詣學
行香二十六年頒大成樂於天下三十年以國學

孔子廟隘命工部改作其制皆帝所規畫正統三年禁天下祀孔子於釋老宮十二年闕里孔子廟敕有司重建十七年廟成遣李東陽致祭并立御製碑文嘉靖九年大學士張璁言先師祀典有當更正者請於大成殿後別立室祀叔梁紇而以顏路曾皙孔鯉配之又言孔子宜稱先聖先師不稱王祠宇宜稱廟不稱殿祀宜用木主配位止稱先賢先儒後禮部會議人以聖人爲至聖人以孔子爲至宋貞宗稱孔子爲至聖其意已備今宜於孔子神位題至聖先師孔子去其王及大成文宣

之稱改大成殿爲先師廟大成門爲廟門其四配稱復
聖顏子宗聖曾子述聖子思子亞聖孟子十哲以下凡
及門弟子皆稱先賢某子左邱明以下皆稱先儒某子
不辭稱公侯伯崇正十五年以左邱明親授經於聖人
改稱先賢改宋儒周二程張朱邵六子亦稱先賢位在
七十子下漢唐諸儒之上

明史

國朝

順治二年定每歲春秋仲月上丁日祭

先師孔子又定每月初一日

聖廟行釋菜禮十四年議准祭

先師祝文稱

至聖先師孔子通行直省各學康熙二十三年

聖祖仁皇帝

御書萬世師表匾額頒懸各學大成殿二十八年

御書贊并額曾思孟贊勒石摹揭頒發直省三十五年覆准平

定厄魯特噶爾丹朔泐永清釋奠

先師勒石大學五十一年

諭朱子升配

大成殿十哲卜子商之次五十四年以宋儒范仲淹從祀
聖廟位列西廡韓愈之次雍正元年

首命追封

孔子五代王爵啟聖祠改爲崇聖祠改造匾額並將追封字
樣通行直省府州縣衛畫一施行二年

命增定從祀先賢先儒復林放蘧瑗秦冉顏何鄭康成范甯增
縣曹牧皮樂正子公都子萬章公孫丑諸葛亮尹焞魏
了翁黃幹陳淳何基王伯趙復金履祥許謙陳浩羅欽
順蔡清陸隴其又增張廸入

崇聖祠又增仲弓伯牛子張有若四家博士是年以平清
海道官釋奠於

先師勒石大學三年

先師孔子聖諱理應迴避嗣是除五經四書外凡遇此字並

加卩爲卩五年

諭八月二十七日

至聖先師孔子誕辰自王公以下俱應致齋禁止屠宰永著
爲令是年

御書生民未有匾額頒懸各學

大成殿乾隆元年議准

聖廟脯醢宜豐鹿脯鹿醢加增鹿二

正位及

四配

崇聖祠正位仍用免醢十一哲兩廡

崇聖祠配位兩廡易免醢爲醢醢加增豕三二年

御書與天地參匾額頒懸各學

大成殿又覆準元儒吳澄仍舊從祀大學位列西廡趙復

之次三年又覆準冉氏卜氏端木氏言氏顓孫氏各有
五經博士又覆準

先賢有子若升配

大成殿爲十二哲在先賢卜子商之次東位西嚮移朱子
神位於西在先賢顓孫子師之次十三年奏準十二哲
東西各少牢一案兩廡各少牢三案

崇聖祠四配兩廡東西各少牢一案

嘉慶 年

仁宗睿皇帝

御書聖集大成匾額頒懸各學

大成殿道光元年

宣宗成皇帝

御書聖協時中匾額頒懸各學

大成殿二年議準明儒劉宗周從祀大學位列西廡蔡清
之次三年議準湯斌從祀大學東廡羅欽順之次

咸豐元年

文宗顯皇帝

御書德齊疇載頒懸各學

大成殿同治元年

皇上御書聖神天縱頒懸各學

大成殿新塗

聖廟建自唐貞觀十四年宋紹定二年寇燬醫事同知李鼎
重建大成殿知縣董雲才復建兩廡明宏治間廟圯僉
憲李齡郡守尚縉擴地於左計深二十五丈廣半之似
建大成殿正德間寇燬知縣劉天錫重建殿前翼以兩
廡嘉靖九年奉詔改大成殿爲

先師廟櫺星門爲廟門內有泮池跨以石橋廟後啟聖祠